

## Der lxxvi. Artickel. Vom vorrecessen der Zechen/ vnd seiner straffe.:



S sollen alle vnd itzliche zechen/hinffuro alle Quartal/durch die Schichtmeister vnd Vorsteher derselben/wie vor alters gebreuchlich / vorrechent / vnd vorrecesset werden/ Wo aber eine oder mehr Zechen/zwey Quartal naheinander nicht vorrecesset würden/ So sol vns der Schichtmeister oder Vorsteher / oder welcher Gewerck sich der Zechen/ oder teyl anmassen wolte/von dem ersten Quartal zehen gülden/vnd von dem andern zwantzig gülden/an alle behelff vnd verzug/zu der straffe erlegen / Vnd damit derselben Zechen/alter vñ gerechtigkeit erhalten / Wenn aber ein Zech inn dreyen Quartalen/nicht verrechent/ noch vorrecesset würde/ so sol die an alle mittel / inn Vnsere freyes gefallen sein / vnd ihr alter vnd gerechtigkeit verloren haben/ Die auch dem ersten Muther so derselben begert / vermüge Vnserer Ordnung sol verliessen werden / Vnd was also/von solchen vnd andern pussen einkommen / die sollen auch vnserm vnd vnseres Hauptmans oder Verwalters bedenccken/zu nottarfft des bergkwercks angelegt werden.

## Der lxxvii. Artickel.

Ob Benge in die teuff zusammen/vnd einander inn die vierung fielen.



B sichs begeben/ das andere entblöste Benge / von einem haubtgang oder verliessen Massen/ am tage ferne genug / vnd aufferhalb der vierung/ von einander weren/ vnd doch in der teuff zusammen / vñ einander inn die vierung fielen/daraus gezanck entstünde/ Do sol Bergkmeister sampt den Geschwornen/vnd so es von nöten / mit andern vnuordechtigen/Bergkuorstendigen/die gebrechen zubesichtigen/darzufaren/vnd nach ihrem verstandt die Jüngern den Eltisten nach Bergk-leufftigem gebrauch zuweichen/weisen/ des sich auch itzliches teyl also halten sol / Damit vnütz gezanck vnd hinderung des bergkwercks/vormyden werde.

R 16

Würde